

Broj: 1458 /19

Datum: 08.11.2019. godine

KANTON SARAJEVO
SKUPŠTINA KANTONA SARAJEVO
ul. Reisa Džemaludina Čauševića
n/r Predsjedavajućeg Skupštine
g. Elmedin Konaković

3216

KANTON SARAJEVO
Turistička zajednica Kantona Sarajevo

Broj: 2-11-2019		Datum: 08.11.2019	
01	05	32754-8	

Predmet: Odgovor na inicijativu zastupnice Samre Ćosović-Hajdarević

Poštovani,

Vežano za zastupničku inicijativu Samre Ćosović-Hajdarević koja je pokrenuta na 14. Radnoj sjednici Skupštine Kantona Sarajevo informišemo Vas o aktivnostima koje je do sada poduzela Turistička zajednica Kantona Sarajevo u vezi realizacije projekta „Izrada i postavljanje turistička signalizacija u Kantonu Sarajevo“.

U izmjenama i dopunama Finansijskog plana Turističke zajednice Kantona Sarajevo za 2019. godinu planirana su sredstva za projekat „Izrada i postavljanje turistička signalizacija u Kantonu Sarajevo“ u iznosu od 100.000,00 KM, a za „Izradu Elaborata turističke signalizacije u Kantonu Sarajevo“ sredstva u iznosu od 50.000,00 KM.

Informacija o aktivnostima Turističke zajednice Kantona Sarajevo na izradi elaborata „Razmještaj turističke signalizacije na području Kantona Sarajevo“:

Izrada je jedan od značajnih projekata Turističke zajednice Kantona Sarajevo, predviđenih Programom rada za 2018. godinu i 2019. godinu. Prema „Pravilniku o turističkoj i ostaloj signalizaciji na putevima“ („Službeni glasnik BiH“, broj 13/07, od 27.02.2007.g.), turistička i ostala signalizacija je namijenjena obavijesti učesnika u saobraćaju o kulturnim, historijskim, prirodnim i turističkim znamenitostima, te ostalim objektima i sadržajima u naselju. Odobrenje za postavljanje turističke i ostale signalizacije izdaje nadležno ministarstvo ili upravitelj puteva, a zahtjev podnosi turistička zajednica sa područja svog djelovanja.

U proteklom periodu Turistička zajednica Kantona Sarajevo kontaktirala nadležne službe svih Općina u Kantonu Sarajevo i zatražila spisak turističkih subjekata sa područja općine (kulturno-historijski spomenici, prirodne znamenitosti, institucije kulture, sportsko-rekreativni objekti, šoping centri), radi što kvalitetnije pripreme za izradu elaborata. Sa službama za urbanizam svih Općina u Kantonu Sarajevo su održani sastanci sa ciljem utvrđivanja procedura za postavljanje turističke

ID broj: 4202315720008 Broj računa: 154-180-20082810-42 Intesa SanPaolo banka, Sarajevo

signalizacije. Sastanci su održani i sa nadležnim u Ministarstvu saobraćaja Kantona Sarajevo, Direkciji za ceste Kantona Sarajevo, JP Ceste Federacije BiH, Zavodu za planiranje razvoja Kantona Sarajevo i Gradskoj upravi.

Predstavnici Turističke zajednice Kantona Sarajevo su sa predstavnicima Zavoda za planiranje razvoja Kantona Sarajevo 18.07.2019. godine održali sastanak na kome je trebalo razriješiti nedoumice oko redoslijeda aktivnosti na realizaciji elaborata „Razmještaj turističke signalizacije u Kantonu Sarajevo“.

Zaključeno je da je neophodno formiranje stručnog tima za izradu projektnog zadatka za izradu elaborata „Razmještaj turističke signalizacije u Kantonu Sarajevo“, da bi elaborat ispunio zakonom predviđene kriterijume i na kvalitetan način riješio razmještaj turističke signalizacije u Kantonu Sarajevo. Projektni zadatak treba da definiše sadržaj elaborata, procedure za izradu i odobravanje elaborata.

Turistička zajednica Kantona Sarajevo se 03.10.2019.g. obratila Ministarstvu saobraćaja Kantona Sarajevo, kao nadležnom organu, sa zahtjevom da formira stručni tim za izradu projektnog zadatka za izradu elaborata „Razmještaj turističke signalizacije u Kantonu Sarajevo“.

Turistička zajednica Kantona Sarajevo će do kraja 2019. godine nastaviti aktivnosti u cilju realizacije navedenog projekta.

S poštovanjem,

Predsjednik novofondstva
Turističk [REDACTED] Sarajevo

